

洞靈真經卷下

壁王

訓道篇第七至德之用萬教之主
仲明共贊可以化民

閱子騫問仲尼道之與孝相去奚若
疑其相去遠也

仲尼曰道者自然之妙用孝者人道之至德
窮於本始謂之道施於人理謂之孝道能
通生萬物不知其所由然故曰妙用孝者
善事父母盡敬盡順通乎神明故曰至德
夫其包運天地發育萬物曲成類形布不性
壽

性者剛柔之質壽者一期之盡
其功至實而不為物府不為事官無為功尸
捫求聆聽莫得而有字之曰道

雖曲成萬類彫刻眾形尋求主宰莫見其
朕故字之曰道道者虛通之謂

用之於人字之曰孝孝者善事父母之名也
夫善事父母敬順為本意以承之順承顏色
無所不至發一言舉一意不敢忘父母營一
手措一足不敢忘父母事君不敢不忠朋友

不敢不信臨下不敢不敬嚮善不敢不勤雖

居獨室之中亦不敢懈其誠此之謂全孝故

孝誠之至通乎神明光于四海有感必應善

事父母之所致也昔者虞舜其大孝矣手庶

母感父屢憎害之舜心益恭懼而無怨謀使

浚井下土實之于時天休震動神明駭赫道

宥而出奉養滋謹由是玄德茂盛為天下君

善事父母之所致也

按史記稱舜父瞽叟與庶母弟皆欲殺舜

使舜修廩瞽叟從下縱火焚廩舜乃以兩

笠自扞而下去得不死後又使舜穿井舜

穿井為匿孔旁出舜既入深瞽叟與象共

下土填井舜匿孔出去是其事也于時天

以休美之德震動舜心神功赫然今其免

害及出之後事父彌謹堯知其聖歷試諸

難後乃禪其位焉

文王之為太子也其大孝矣朝夕必至乎寢

問之外問寺人曰該日安否何如

寺人問官主在左右侍君也

曰安太子溫然喜色小不安節太子色憂滿

容朝夕食上

謂侍者進食於君也

太子必視寒暖之節食下必知膳羞所進然

後退

知所食之多少

寺人言疾太子肅冠而齋

君有疾故太子嚴肅衣冠而齋齋者虛心

專志以祈神明使敬護者耳

膳宰之饌必敬師之湯液之貢必親實之

饌飲食也貢進之也

嘗膳善

謂君嘗饌者也

則太子亦能食嘗饌寡太子亦不能飽以至

手復初然後亦復初

君病間而太子亦復初也

君后有過怡聲以諷

怡悅也謂下氣怡聲幾微諷諫

君后所愛雖小物必嚴襲

不敢慢君父之所愛
是故孝成於身道洽天下雅曰文王陟降在

帝左右

雅詩大雅也陟升也帝天也左右助也言

文王所為天必助之

言文王靜作進退天必贊之故紂不能害

贊佐也文王事紂為天所佐故殷紂雖暴

不能輒害

夢啓之壽

禮記云文王有疾旬有二日乃間文王謂

武王曰汝何夢矣武王對曰夢帝與我九

齡文王曰汝以為何也武王曰西方有九

國君王其終撫諸文王曰非也我百爾九

十吾與汝三焉文王九十七而終武王九

十三而終也

卜世三十卜年七百天所命也善事父母之

所致也

左傳曰成王定鼎于郊鄆卜世三十卜年

七百天所命也

閑子審曰善事父母之道幸既聞之矣敢問

教子之義仲尼曰凡三王教子必視禮樂

視猶示也

樂所以修內

和其心也

禮所以修外

檢其容也

禮樂交修則德容發揮于貌故能溫恭而文

明夫弱人臣者殺其身有益於君則為之況

利其身以善其君乎是故擇建忠良貞正之

士為之師傅欲其知父子君臣長幼之道夫

知為人子然後可以為人父知為人臣然後

可以為人君知事人然後能使人此三王教

子之義也

三王謂夏殷周三代之王也

閑子審退而事之於家三年人無間於父母

兄弟之言

上事父母下順兄弟盡善盡美故人無非

聞之言也

交遊稱其信鄉黨稱其仁宗族稱其悌德行

之聲溢於天下此善事父母之所致也齊太

子坐清臺之上燕壯侯也

壯燕侯謚也他名也

高冠嚴色左帶玉具劔右帶環珮左光照右

右光照左

言玉珮之光相照也

太子讀書不視壯侯他問曰齊國有寶乎太

子曰主信臣忠百姓戴土齊國之寶也壯侯

他應聲解劔而去

聞義而服也此言君子尚德不尚華飾也

嗚呼人有偏蔽終身莫自知已乎賢者見之

寬怒而不言小人暴愛而溢言親戚憐嫉而

貳言人有偏蔽惡乎不自知哉

惡乎猶何也

是故君子檢身常若有過衣其衣食其食知

其過而不聲暗有以正之者君子耻之

言為人口不能有所佳正也

將欲有言識其必不能行者君子罕言

君不納忠諫則罕言以避患也

當責眾人之惡者視已善乎哉當責眾人之

邪者視已正乎哉此之謂反明

先審身之善正然後責人之邪惡也

程西氏之子甚孝謹程西憐其子而好矣與

之言霍西厄出夕返則曰甲死矣其子信之既而甲在焉他夕則曰乙且害余其子伺將行仇既而不見恐端他夕則曰丁病矣其子覘之丁誠無恙舉此類也

覘覘也恙憂也舉皆也

冒淹年存子固孝謹至於訊勸益不保承鄉國之人疾其答口謀將然之霍西聞而懼歸以告子子未甚信既而霍西見然

此章戒人輕言致害雖愛子猶不信之以至見然况他人乎

謂多言之人為踈露亦有辭約而不密者謂輕佻之人為不定亦有體閑而心躁者

輕佻猶輕躁也

謂兼雜之人為猥細亦有外潔而內濁者若類而引之不可彈載若非徹識孰能詳究詳

彈猶盡也

時有不可不應也者內靜而外動易動而難靜

謂外見利貪而逐之愈得愈貪故身勞而難靜

時有不可不求也者內思而外待待至而後樂

謂內興情慾緣境思求心有所待故待得而復樂不知心搖而傷性

是故外靜而內動者搖思而損性奔走而逐利者勞力而害名

唯泊然無情慾而不為名利所誘者然後身安而性全也

人生於世或有豈不遠志而宣言云不遇時者是無異負丹頭之罪俟時行戮豈不殆哉

不能危行言遜干犯時君無異負斬首之罪待時行戮也丹血色

其博才通識未見掃用者正可云時非不清命未與耳豈不蹉歟

蹉猶是也

長於諫者務依存前人之性而翦制其情之所由起是以彼此開進親敬殷篤不長於諫

者務攻前人之性而暗於情之所來是以彼此嫌貳猜釁自積兒童之所簡者迺者耆之

所非耳目之所娛者迺心慮之所疾健責天

下之愚者已之未賢也健責天下之迷者已之未明也

賢明者當怒愚迷而勿責

以未賢責衆愚未賢者以之亡以未明責衆迷未明者以之傷

愚迷之人無所損健責者徒自傷耳

農道篇第八夫農者人之天也本國之道務農為本人捨本而事末則不一令

本謂農也未謂趨浮利也人趨末利則奸詐多端故一令不能制也

不一令則不可以守不可以戰趨利多端人心不一故不可以固守不可以攻戰也

人捨本而事末則不精產約人貪浮利則產業薄也

可產約則輕流徙輕流徙則國家時有災患皆生連志無復居心人捨本而事末則奸知

好知則多詐多詐則巧法令巧法令則以是為非以非為是古先聖王之所以理人者先

務為人為人非徒為墜利也貴行其志也

志在安人

人闕則朴則易則邊境安則主位尊人闕則重

如童兒無異志也

童則少私義多私義則公法立力博深闕則

可產榷

榷猶厚也

可產榷則重流散

不流散也

重流散則死其處無二慮是天下為一心矣

天下一心軒皇凡遠之理不是過也

軒皇凡遠古之有道之君也

古先聖皇之所以茂耕織者以為本教也是

故天子躬率諸侯耕籍田大夫士第有功級

勸人尊墜產也

第次第也月令云正月中氣天子乃擇元

辰親載耒耜置之車右率公卿諸侯大夫

躬耕籍田天子三推三公五推卿諸侯九

推是以功級勸人也

后妃率嬪御蠶於郊桑公田勸人力婦教也

月令云三月中氣命有司無伐桑柘乃修

器后妃齋戒享先蠶而躬桑以勸蠶事

祭義云古者天子諸侯必有公桑蠶室近

川而為之君卜三官之夫人世婦之吉者

使入蠶室世婦親蠶奉鬻以示于君遂獻

于夫人夫人繅三盆手遂布于三官夫人

世婦之吉者使繅之此勸婦教也

男子不織而衣婦人不耕而食男女質功資

相質業此聖王之制也

質猶易也

故敬時愛日埒實課功

埒量也

非老不休非疾不息一人勤之十人食之

上農夫食十人

當時之務不興土功不料師旅男不出御女

不外嫁

一作大嫁

以妨鵠也

興土功治師旅行婚嫁皆謂妨農業也御

迎也謂男子不親御

黃帝曰四時之不可正正五穀而已耳夫稼

為之者人也

稼謂種也

生之者天也養之者地也是以稼之容足耨

之容耨

耨鋤也又耨謂鋤器也

耘之容手

是謂耕道

種苗可使容足耨之可使容耨耘之可使

容手

鵠攻食工攻器賈攻貨

攻治也

時莫不蠶魁之以土功是謂大凶

君王不恭則大凶之道也

凡稼早者先時暮者不及時寒暑不節稼乃

多災

言太早太晚者謂不得中和之氣也

冬至已後五旬有七日而昌生

旬十日也五十七日在立春節中而草木

昌發

於是乎始耕耨之道見生而執生見死而獲死

因天時而與人事也執種也種刈也

天發時陰產財不與人百辦

產生也

有年祀土無年祀土

有年豐年也無年荒年也祀土祭社稷也

春祭祈豐祥也秋祭報成熟也不以有年

則祭無年不祭所以祈地利重人命

無失人時迨時而作過時而止老弱之力可使盡起

使盡起

迨及也雖老弱可使盡耕所以趁時也

不知時者未至而逆之

謂與農太早也

既往而暮之

時既過往而暮之是大晚

當丁時而薄之

雖當其時而用功寡薄所收亦不多

此從豈之下也

此三者雖從農務不得其時故云下也

夫耨必以早使墜肥而土緩

夫鋤必用旱時旱時則草易死而土脉肥

緩也

稼欲產於塵土而殖於地堅者

殖長也下種欲其土細如塵則地虛而根

深及苗長也得雨則土堅堅則莖固也

慎其種勿使數亦無使疎

數為煩也

於其施土無使不足亦無使有餘

施土謂施種於土也種不足則傷疎而費

地種有餘則傷密而損穀不費不損取其

中也

剛欲深以端敵欲決以平

端正直也剛深直則水流疾敵決平則潤

澤勻

下得陰上得陽然後成生

下陰謂水潤上陽謂日氣

立苗有行故速成強弱不相害故速大

苗成行則長疾強不害弱則易大也

正行通其中疏氣冷風

使苗疏而通風

則有收而多功半稼望之有餘就之則疏是

墜之竊也

由地瘠薄也苗不茂盛若被竊之狀

不除則燕除之則虛是豈傷之也

除治也草盛而後除之苗則虛矣是人事

傷之也

苗丁弱也欲孤

欲一一孤生不併聚也

丁夫也欲相與居

與眾同居共相蔭映

丁熟也欲相與扶

無倒折之害也

三以弱族稼乃多穀

三者如人之宗族共相扶持則多收

凡苗之患不俱生而俱死

生不齊則大苗凌小小苗不茂

是以先生者美末後生者為糝

强者凌弱故後生者不實

是故其藉也夫其兄而去其弟

以人喻苗也先生為兄後生為弟也

樹肥無使扶疎樹境不欲專生而獨居

境瘠地專主獨居不耐風旱

肥而扶疎則多糝境而專居則多死不知糝

者去其兄而養其弟不收其粟而收其糝上

下不安則稼多死得時之禾長稠而大穗圓

粟而薄糠米飽而香春之易而食之強

木謂粟也稠穗頭也圓也飽謂味甘如

飴也

失時之禾深芒而小莖穗銳多糝而青霽

深芒長芒也銳細也青霽其米青也

得時之黍穗不芒以長搏米而寡糠

搏謂以手按殺而出米

失時之黍大本華莖葉齊短穗

本根也華莖葉齊有華也膏言肥大也

得時之稻莖葉長稠穗如馬尾

莖大也馬尾言長也

失時之稻纖莖而不滋厚糠而舊死得時之

麻疎節而色陽堅柔而小本

陽光揚也堅下也言皮堅動

失時之麻蕃柯短莖岸節而葉蟲

蕃柯謂枝柯多也岸節者高節也

得時之菽長莖而短足其莢二七以為族多

枝數節競葉繁實稱之重食之息

菽者豆也族聚也息猶盈也

失時之菽必長以蔓浮葉虛本疎節而小莢

得時之麥長稠而頸族二七以氣行薄翼謂

薄翼色食之使人肥且有功

薄翼謂糠也薄黃色也其麥穗一行有二

七粒

失時之麥附腫多病弱苗而翼穗

附腫謂莖根癰而且蟲翼穗多芒

是故得時之稼豐失時之稼約庶穀盡宜從

而食之使人四衛變強耳目聰明氣不入

身無苛殃

四衛四支也

善乎孔子之言冬飽則身溫夏飽則身涼夫

溫涼時適則人無疾疾人無疾疾是疫癘不

行疫癘不行咸得遂其天年故曰穀者人之

天是以興王務鬪王不務鬪是棄人也王而

棄人將何國哉

秦景主將師強兵於天下

秦恃峭險固兵強士勇故欲示強於兵

使天下无敢與之敵跡猶示也

使庶大飽戎必致亢倉子

庶長秦爵號鮑戎人姓名也

待以壞邑十二周實迫之

周密也欲問亢倉子計故以十二邑待之

恐其不來密使鮑戎迫之使必來

亢倉子至自秦泉賈于上館

秦泉秦地名也

景主三日弗得所問

謂欲問之而不得也

下席北首頓珪曰天果無意恤孤耶

北首頓珪盡禮也

亢倉子油然虧躬曰朕以主豈異之間而寧

弊弊焉以斫刺豈故

油然微動貌虧側也躬顧躬也朕我也我

古之至極善用兵者蓋重慎其令也

故其令強者其敵弱其令信者其敵誦先勝之於此則勝之於彼

夫料敵制勝必先自料若與眾同死生而三軍一心則勝於彼矣

誠若此則敵胡足勝也凡敵人之來也以求利也今來而得死且以走為利敵皆以走為利則刃無所與接矣此之謂至兵傲虐奸詐之與義理反也

言奸兵與義兵逆順之理相反

其勢不俱勝不而立

義兵勝奸兵敗

故義兵之入於敵之境則人知所庇矣兵至於國邑之郊不踐果稼不充丘墓不殘積聚不焚室屋得人虜辱而歸之信與人期以勉敵資以章好惡以示逆順

先示之以義也

若此而猶有復狠凌傲遠宕不聽者雖行武焉可也

復狠猶惡戾也宕流宕也先行義以示之

猶有惡戾不聽服者用武誅之可也

先發聲出號令曰兵之來也以除人之讎以順天之道故剋其國不屠其人獨誅所誅而已矣

獨誅者暴君也

於是舉選秀士賢良而尊封之求見孤疾長老而拯救之

孤疾之人拯救之長老者致敬之也

發府庫之財散倉廩之穀不私其物曲加其禮

不私其利與眾共之曲加其禮聘以求賢也

今有人於此能生死一人則天下之人爭事之矣

生猶活也言有人以義能活一人之死則天下咸能事之矣

義兵之生一人亦多矣人孰不悅故義兵至則隣國之人歸之若流水誅國之人望之如父母行地滋遠得人滋眾辭未終景主興稽首曰孤獲聞先生教言不覺氣盈宇宙志知

所如也而心滋益冀

既聞義兵之道鄙其奸傲之心故氣志盈滿充塞宇宙志知所如也

於是步前稱壽為亢倉子壽

舉步前進稱獻壽所以嚴師重道也

拜居前列師位嚴于齋室又月涉旬辰加天關白晝行道

天關即天綱謂辰時也行道行弟子禮也

洞靈真經卷下